



Četiri uzroka za postizanje dobra (Medina)

Hatib: dr. Ahmed ibn Talib ibn Abdulhamid

13. šaban 1445. po Hidžri / 23. februar 2024.

Sva hvala i zahvala pripadaju Allahu. Njega hvalimo, od Njega pomoć i oprost tražimo, i Njemu se utječemo od zla naših duša i naših loših djela. Koga Allah uputi, niko ga u zabludu ne može odvesti, a koga On u zabludi ostavi, niko ga ne može uputiti. Svjedočim da nema boga osim Allaha, Jedinog, Koji druga nema, i svjedočim da je naš prvak i vjerovjesnik Muhammed, sallallahu alejhi ve sellem, Njegov rob i poslanik.

“O vi koji vjerujete, bojte se Allaha istinskom bogobojažnošću i nipošto ne umirite osim kao muslimani!” (Ali Imran, 102)

“O ljudi, bojte se Gospodara svoga, Koji vas je stvorio od jedne osobe, od koje je njen par stvorio, a od njih dvoje mnoge muškarce i žene rasijao. Bojte se Allaha, Čijim imenom jedni druge molite, i čuvajte rodbinske veze. Allah vas, doista, nadzire.” (En-Nisa, 1)

“O vjernici, bojte se Allaha i govorite samo istinu, On će vas za vaša dobra djela nagraditi i grijehе vam vaše oprostiti. A onaj ko se Allahu i Poslaniku Njegovu bude pokoravao – postići će ono što bude želio.” (El-Ahzab, 70–71)

Najistinitiji govor je Allahova Knjiga, a najbolja uputa je uputa Muhammeda, sallallahu alejhi ve sellem. Najgore stvari u vjeri su nove stvari, svaka nova stvar je novotarija, svaka novotarija je zabluda, a svaka zabluda vodi u Vatru.

O muslimani, znajte da za čovjeka nema korisnijih stvari od četiri, a to su:

- predanost Allahu, koja se pokazuje istinskim vjerovanjem u Njegovu jednoću, pokornošću Njemu i odricanjem od širka i njegovih sljedbenika;
- skrušenost i poniznost pred Njim;





- lijepo mišljenje o Njemu;
- i često činjenje tevbe – pokajanja Njemu, makar čovjek ponovio grijeh sedamdeset puta u jednom danu.

U predanosti Allahu nalazi se čovjekov spas, i za dušu i za tijelo. Čovjek koji je predan Allahu nije opterećen ni sadašnjošću ni budućnošću.

Spas od širka krije se u svijesti da širk predstavlja rivalstvo Allahu, a kako rob može biti rival Gospodaru, a ništa, u poređenju s Njim, ne posjeduje? Štaviše, čovjeku ne preostaje ništa drugo nego da se prepusti Njegovoj vlasti, jer on je samo mali dio u njenom mnoštvu, i zrna u veličini Allahove vlasti. Allah čovjekom upravlja kao što upravlja Svojom vlasti, i nemoguće je da od roba postane Gospodar. Upravljanje i odabir spadaju u velike stvari i tajne. "Gospodar tvoj stvara šta hoće, i On odabire. Oni nemaju pravo birati. Hvaljen neka je Allah i vrlo visoko iznad onih koje s njim izjednačuju!" (El-Kasas, 68)

Skrusnost i poniznost pred Uzvišenim uvećava blagodati, otklanja nevolje, omogućava čovjeku da uživa u blagoslovima i da osjeća sigurnost u iskušenjima, a kao nagradu za to Gospodar će od njega otkloniti zlo u nevolji i opskrbiti ga u blagostanju. To su najveća vrata dobra i najispravniji put. Skrusnost i poniznost koriste čak i nevjerniku, pa kako da ne koriste vjerniku! Uzvišeni kaže: "Kad vas na moru nevolja zadesi, tada nema onih kojima se inače klanjate postoji samo On", odnosno samo vam On uslišava molbe, "a kad vas On na kopno spasi, vi okrećete glave; čovjek je uvijek nezahvalan!" (El-Isra, 67)

Skrusnost i poniznost pred Uzvišenim to su vrata koja je Allah postavio između Sebe i Svojih robova, s njih se "slijevaju" Njegova dobra i nepresušne blagodati onome ko Mu se obrati i strpljivo stoji na njima, a onaj ko uđe na njih kod Njega, postigao je Njegovu potpunu zaštitu i brigu. Ako ti Allah otvori ova vrata, otvorio ti je put ka svim Svojim dobrima i najvrednijim darovima. "Trebalo je da su poslušni postali kad bi im kazna Naša došla!" (El-En'am, 43)





Lijepo mišljenje o Allahu zaista je veličanstveno i blago onome koga Allah obdari njime. Ko ga postigne, postigao je svako dobro, a ko ga izgubi, izgubio je svako dobro. Nema korisnijeg opravdanja ni izgovora za tebe, kod Allaha, od lijepog mišljenja o Njemu, i ničega djelotvornijeg i blagoslovljenijeg. Ono te uči o Allahu i onome što Allah želi učiniti s tobom, i nagovještava radosne vijesti čije redove oči ne mogu pročitati i jezik ne može izraziti. Na veličanstvenost lijepog mišljenja o Allahu ukazuje i Allahov Poslanik, sallallahu alejhi ve sellem, u hadisi-kudsiju: "Ja ću prema Svom robu postupiti u skladu s onim što on misli o Meni."

Znajte da je često činjenje tevbe – pokajanja Allahu okosnica svakog stepena i pozicije u vjeri, s tevбом sve počinje i završava. Tevba se pokazuje i na čovjekovoj nutрини i vanjštini. U čijem srcu izostane tevba, taj je gubitnik, a onaj u čijem srcu proklija tevba, on će uspjeti. Tevba je ključ svakog dobra, vidljivog i nevidljivog, ona uzdiže čovjeka na visoke stepene i otvara mu vrata Allahove zaštite i prijateljstva.

Allah, džellešānuhu, za tevbu nije dao drugu alternativu osim zuluma – nepravde prema samome sebi, kao što kaže Uzvišeni: "A oni koji se ne pokaju – sami sebi čine nepravdu" (El-Hudžurat, 11). Tevba je propisana svakom poslaniku i vjerovjesniku, iskrenom i evliji, dobročinitelju i bogobojažnom, grešniku i zabludjelom, nevjerniku i nesretniku. Uzvišeni kaže: "O ljudi, bojte se Gospodara svoga..." (En-Nisa, 1) Bojte Ga se tako što ćete činiti tevbu i kajati se pred Njim. Tevba onih koji čine zlo podrazumijeva da ostave zlo, a onih koji čine dobro – da ne budu zadovoljni svojim dobrom i da teže boljem i većem. Uzvišeni kaže: "... u vjeri pretka vašeg Ibrahima. Allah vas je odavno muslimanima nazvao." (El-Hadždž, 78) Jedna od odlika Ibrahimove vjere jeste nepriklanjanje prolaznom, smrtnom, i nedivljenju stvorenom. Uzvišeni kaže, prenoseći njegove riječi: "Ne volim one koji zalaze." (El-En'am, 76) I Uzvišeni kaže: "I svi se Allahu pokajte, o vjernici, da biste postigli ono što želite." (En-Nur, 31)

U principu, kome ne bude koristilo malo, neće mu koristiti ni puno, ko ne razumije išaret, neće razumjeti ni jasnu riječ. Kada ti Allah podari razumijevanje, On će učiniti da uvijek čuješ i da iz svega izvučeš pouku.





"KOLIKO GOD ZNAČAJNA ULOGA HATIBA BILA ZA USPJEH NJEGOVE HUTBE,
NIŠTA MANJE NE ZAOSTAJE NI ODABIR TEME, ODNOSNO MATERIJJE
KOJU TOKOM HUTBE ELABORIRA." (PREPOROD)

HUTBE 

Donosite salavate na Poslanika, sallallahu alejhi ve sellem, podarenu milost i nepresušnu blagodat, to vam je naredba od vašeg Gospodara, Koji je objavio: "Allah i meleki Njegovi blagosiljaju Vjerovjesnika. O vjernici, blagosiljajte ga i vi i šaljte mu pozdrav!" (El-Ahzab, 56)

Allah podario blagoslov meni i vama u časnom Kur'anu, i okoristio mene i vas njegovim ajetima i mudrom opomenom. Rekoh ovo i od Allaha Uzvišenog tražim oprost za sebe, vas i sve muslimane od svakog grijeha, a tražite i vi, On mnogo prašta i milostiv je.

